

BOSNA I HERCEGOVINA
Fedaracija Bosne i Hercegovine
TUZLANSKI KANTON
Ministarstvo za boračka pitanja
T U Z L A

IZVJEŠTAJ O RADU

Ministarstva za boračka pitanja Tuzlanskog kantona
za period 01.01.2009. - 31.12.2009. godine

Tuzla, januar 2010. godine

Izvještaj o radu

Ministarstva za boračka pitanja Tuzlanskog kantona

za period 01.01.2009. - 31.12.2010. godine

Uvod

Izvještaj o radu Ministarstva za boračka pitanja Tuzlanskog kantona za period 01.01.- 31.12.2010. godine, podnosi se Vladi Tuzlanskog kantona (u daljem tekstu Vlada Kantona), na osnovu Programa Vlade Kantona za 2009. godinu.

U izvještajnom periodu, Ministarstvo za boračka pitanja Tuzlanskog kantona (u daljem tekstu: Ministarstvo) svoj rad je temeljilo na provođenju, državnih, federalnih i kantonalnih zakona iz oblasti koje su u nadležnosti Ministarstva, prevashodno u primjeni federalnih propisa o pravima branilaca, porodicama šehida - poginulih boraca (u daljem tekstu: PŠ-PB), ratnim vojnim invalidima (u daljem tekstu: RVI), dobitnicima najviših ratnih priznanja i odlikovanja (u daljem tekstu: DNRP) i demobilisanim braniocima (u daljem tekstu: DB), kao i kantonalnih propisa kojima se reguliše ova oblast.

Vlada Federacije Bosne i Hercegovine (u daljem tekstu: Vlada F BiH), u konsultacijama sa Svjetskom bankom obavezala se na svebuhvatnu reformu socijalnog sektora, uključivo i oblast boračko – invalidske zaštite, tj. reviziju korisnika prava i uvođenje prihodovnog cenzusa.

U praksi, i na našem prostoru, orijentacija je reforma socijalnih naknada i naknada za nezaposlene, održivost nivoa i struktura rashoda, u skladu sa Stand-by aranžmanom MMF-a, usmjeravanjem davanja uz utvrđivanje imovinskog cenzusa, uspostavljanje jedinstvene baze podataka za sva socijalna i novčana davanja na svim nivoima vlasti, nesmetan protok, kontrola i revidiranje, usklađivanje stopa doprinosa i indirektno oporezivanje.

Organizacija i djelokrug rada

Ministarstvo vrši upravne i druge stručne poslove koji se, između ostalog, odnose i na ostvarivanje prava iz oblasti boračko-invalidske zaštite za lica sa područja Tuzlanskog kantona (u daljem tekstu: Kanton), koja im pripadaju po osnovu zakonskih i drugih propisa.

Prema Pravilniku o unutrašnjoj organizaciji, Ministarstvo je organizovano u dva odjeljenja i to:

1. Odjeljenje za ekonomsko – finansijske, pravne i opće poslove i
2. Odjeljenje za pravne, socijalno – statusne i informativne poslove.

Sa 31.12.2010. godine u Ministarstvu je ukupno uposleno, 17 službenika i namještenika, od čega ministar, 8 službenika i 8 namještenika.

Normativno – pravna djelatnost

U izvještajnom periodu, pored redovnih poslova na provođenju državnih, federalnih i kantonalnih propisa, državni službenici bili su angažovani na normativno pravnoj djelatnosti.

Slijedi pregled normativne djelatnosti u izvještajnom periodu:

1. Zakon o izmjenama i dopunama Zakona o dopunskim pravima branitelja i članova njihovih obitelji,
2. Odluka o izmjeni Odluke o proširenom obimu prava iz oblasti zdravstvene zaštite branitelja i članova njihovih porodica,
3. Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2009. godini,
4. Odluka o izmjenama i dopunama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2009. godini,
5. Odluka o izmjenama i dopunama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2009. godini,
6. Program obilježavanja značajnih datuma, događaja i ličnosti na području Tuzlanskog kantona,
7. Odluka o izmjenama i dopunama Programa obilježavanja značajnih datuma, događaja i ličnosti na području Tuzlanskog kantona,
8. Odluka o utvrđivanju uslova i opštih kriterija za raspodjelu sredstava predviđenih Budžetom Tuzlanskog kantona za realizaciju programskih ciljeva boračkih organizacija i udruženja u 2009. godini,
9. Program o rasporedu sredstava za 2009. godinu – Boračke organizacije i udruženja,
10. Program korištenja bespovratnih novčanih sredstava za pomoć u stambenom zbrinjavanju korisnika prava iz oblasti boračko - invalidske zaštite Tuzlanskog kantona u 2009. godini,
11. Odluka o raspodjeli sredstava u svrhu sufinansiranja značajnih datuma, događaja i ličnosti,
12. Program korištenja sredstava za dodjelu stipendija braniocima i članovima njihovih porodica,
13. Odluka o izmjenama i dopunama Programa korištenja sredstava za dodjelu stipendija braniocima i članovima njihovih porodica,
14. Uredba o izmjenama i dopunama Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona,
15. Uredba o izmjenama i dopunama Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona,
16. Odluka o izmjenama i dopunama Odluke o utvrđivanju uslova, kriterija i postupka za dodjelu stipendija braniteljima i članovima njihove porodice,
17. Odluka o izmjenama i dopunama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2009. godini,
18. Odluka o izmjenama i dopunama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2009. godini,
19. Pravilnik o izmjenama i dopunama Pravilnika o ocjenjivanju državnih službenika i namještenika u Ministarstvu za boračka pitanja Tuzlanskog kantona,

20. Pravilnik izmjenama i dopunama Pravilnika o kriterijima i postupku za odobravanje lijekova, sanitetskog materijala i dezinfekcionih sredstava ratnim vojnim invalidima,
21. Pravilnik o kriterijima i postupku za odobravanje jednokratne pomoći u slučaju smrti branioca april 2009. godine i
22. Pravilnik o izmjeni Pravilnika o uvjetima i postupku za dodjelu stana u vlasništvo braniteljima i članovima njihovih porodica.

Implementacija Zakona o pravima branilaca i članova njihovih porodica

Zakonska revizija porodične i lične invalidnine, prema odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/06 i 70/07, u daljem tekstu Federalni zakon), koja je započela 01.01.2005. godine, nastavljena je kontinuirano i u izvještajnom periodu.

U upravnom postupku za uvođenje u pravo korisnika lične i porodične invalidnine, voditelji upravnog postupka zakonske revizije, nailazila su i dalje na izvjesne probleme kod rješavanja istih, osobito u predmetima lične invalidnine, obzirom da je najveći dio novopodnesenih zahtjeva za ostvarivanje prava na ličnu invalidninu i dalje je pratila nedostajuća medicinska dokumentacija neophodna za ispravno rješavanje upravne stvari, koja nije bila u skladu sa odredbama Federalnog zakona, te pratećim podzakonskim aktima, a kod priznavanja prava na porodičnu invalidninu radilo se o neusaglašenosti ličnih podataka kao i nedostatka valjanih revizionih uvjerenja.

Predmet zakonske revizije bilo je 3648 zahtjeva porodične invalidnine od čega je riješeno 2354 predmeta, i 169 predmeta lične invalidne od čega je riješeno 146 predmeta, dok su ostali predmeti u postupku rješavanja.

U izvještajnom periodu, po nalogu ovlaštenih uposlenika Federalnog ministarstva, voditelji revizionog postupka su vršili kontrolu svih predmeta, nadležnih općinskih službi, upućenih na prvostepenu ljekarsku komisiju.

Novčane prinadležnosti po federalnom zakonu

Novčana primanja koja se isplaćuju, od 01.01.2005. godine, po Federalnom zakonu, za RVI, kreću se od min 36,70 KM, do max 1733,90 KM za I grupu invalidnosti 100%, uključivo sa pravom na ortopedski dodatak I stepena i dodatak za njegu i pomoć od strane drugog lica I stepena, a za članove PŠ-PB porodična invalidnina od 110,10 KM do 477,10 KM.

Pregled broja korisnika po općinama, sa finansijskim pokazateljima za mjesec decembar 2009. godine.

Redni broj	Opština	Broj korisnika LI	Broj korisnika PI	Broj mirnodopskih i korisnika NOR-a	Ukupno korisnika	Iznos
1.	BANOVIĆI	406	563	14	983	284.890,47
2.	ČELIĆ	239	200	22	461	113.320,83
3.	DOBOJ-ISTOK	262	270	13	545	144.731,26
4.	GRAČANICA	418	656	52	1126	324.535,30

5.	GRADAČAC	669	840	38	1547	445.575,47
6.	KALESIJA	555	768	32	1355	390.176,90
7.	KLADANJ	274	383	9	666	182.612,82
8.	LUKAVAC	569	1144	41	1754	566.542,24
9.	SAPNA	295	653	13	961	293.441,16
10.	SREBRENİK	487	1316	49	1852	709.673,58
11.	TEOČAK	195	263	9	467	144.591,52
12.	TUZLA	1817	2357	166	4340	1.255.229,59
13.	ŽIVINICE	704	1429	43	2176	703.820,81
	UKUPNO	6890	10842	501	18233	5.559.141,95

Zakon o dopunskim pravima branitelja i članova njihovih porodica

Pravni osnov za ostvarivanje dopunskih prava iz oblasti boračko – invalidske zaštite sadržan je u Zakonu o dopunskim pravima branitelja i članova njihovih obitelji („Službene novine Tuzlanskog kantona“, broj:3/07 4/08, 9/08 i 13/09, u daljem tekstu: kantonalni Zakon) i Odluci o proširenom obimu prava iz oblasti zdravstvene zaštite branitelja i članova njihovih porodica („Službene novine Tuzlanskog kantona“, broj:8/07 i 14/09, u daljem tekstu: kantonalna Odluka).

Sva prava iz kantonalnog Zakona su praćena u skladu sa Zakonom o izvršenju Budžeta i planiranim finansijskim sredstvima za dopunska prava. Treba napomenuti da je pozicija dopunskih prava za 2009. godinu, u Budžetu Kantona, umanjena u odnosu za 2008. godinu, za nešto više od 1.500.000,00 KM, zbog aranžmana sa MMF-om. Zbog naprijed navedenog neke od pozicija su umanjene, ali su u cjelini sva dopunska prava finansijski podržana.

Kantonalnim Zakonom su utvrđena slijedeća prava iz nadležnosti Kantona: zdravstvena zaštita, ortotsko-protetska pomagala, obezbjeđenje higijensko sanitetskog materijala i lijekova, pravo na liječenje u inostranstvu i prednost u korištenju usluga zdravstvenih ustanova, banjsko - klimatsko liječenje (medicinska rehabilitacija), pravo po osnovu preostale radne sposobnosti, prioritet pri zapošljavanju, prioritet u školovanju, stipendiranju i smještaju u domove, pomoć u rješavanju stambenog pitanja, oslobađanje od plaćanja sudskih i administrativnih taksi, podizanje nišana – nadgrobnog spomenika, pomoć u slučaju smrti, posebna prava, nadoknada troškova prijevoza radi liječenja, jednokratne novčane pomoći i participaciju u učešću – održavanju sportskih takmičenja u invalidskom sportu i manifestacija povodom obilježavanja Dana OS BiH, na području Kantona.

Iz Budžeta općina finansiraju se sledeća prava: održavanje lokaliteta spomen obilježja, prava u slučaju smrti dobitnika ratnih priznanja i odlikovanja, izgradnja prilaza do stambene zgrade i subvencija naknada za dodijeljeno građevinsko zemljište.

Zdravstvena zaštita

Zdravstvena zaštita za borce i članove njihovih porodica, se provodi kao primarna, specijalističko - konsultativna i bolnička, bez ličnog učešća osiguranih lica u troškovima korištenja zdravstvene zaštite i liječenja na području Kantona. Zaključno sa 31.12.2009. godine ovim vidom zaštite obuhvaćeno je 5.711 korisnika.

Odredbama kantonalnog Zakona predviđeno je kao dopunsko pravo i plaćanje premije osiguranja („markice“) osiguranim licima. U Ministarstvu su navedene aktivnosti, okončane u propisanim rokovima. U izvještajnom periodu premijom osiguranja obuhvaćeno je 66.110 korisnika prava iz oblasti boračko – invalidske zaštite (u daljem tekstu: BIZ-a).

Zaključno sa 31.12.2009. godine, Ministarstvo je od općinskih službi zaprimilo 3250 predmeta obaveznog zdravstvenog osiguranja. U postupku nadzora za 2771 predmet data je saglasnost, u 72 predmeta zahtjev za priznavanje prava na obavezno zdravstveno osiguranje je odbijen kao neosnovan, u 2 predmeta izmijenjeno je rješenje o priznatome pravu, dok je poništeno i vraćeno na ponovni postupak 405 predmeta.

Ortotsko – protetska pomagala

U izvještajnom periodu podnešeno je ukupno 128 zahtjeva, za izradu proteza gornjih i donjih ekstremiteta od čega je pozitivno riješeno 126 zahtjeva, a dva zahtjeva odbijena su radi neispunjavanja zakonom utvrđenih uslova. Takođe u izvještajnom periodu zaprimljeno je 315 zahtjeva za izradu ortopedске obuće, od čega je pozitivno riješeno 309 zahtjeva, a šest zahtjeva je negativno riješeno. Zaprimljeno je, takođe, i 12 zahtjeva za izradu očnih proteza i svi su pozitivno riješeni, kao i 173 zahtjeva za ostala pomagala, od čega je pozitivno riješeno 165 zahtjeva, odbijeno šest zahtjeva, a za dva zahtjeva je obustavljen postupak. U izvještajnom periodu zaprimljeno je 23 zahtjeva za korekciju proteza, od kojih je 18 zahtjeva pozitivno riješeno, a pet zahtjeva je odbijeno. Pozitivno su riješena i dva zahtjeva za izradu stomatološko – protetskog pomagala.

Higijensko –sanitetski materijal

U izvještajnom periodu, Ministarstvo je za 34 RVI 100% I grupe – osoba sa paraplegijom vršilo nabavku higijensko –sanitetskog materijala.

Na osnovu odredaba kantonalnog Zakona i Odluke, RVI 100% I grupe – osobe sa paraplegijom, imaju pravo na obezbijedenje higijensko-sanitetskog materijala u skladu sa posebnim Projektom-programom zbrinjavanja i edukacije RVI 100% I grupe – osoba sa paraplegijom, za svaku kalendarsku godinu, kojeg donosi Ministarstvo, a nabavka higijensko – sanitetskog materijala vršila se kvartalno.

Banjsko - klimatsko liječenje, obezbijedenje lijekova koji nisu obuhvaćeni esencijalnom listom i naknada putnih troškova kod liječenja u BiH i inostranstvu

U skladu sa odredbom kantonalnog Zakona i Odluke, RVI, DNRP i nositelj „Partizanske spomenice 41.“, imaju pravo na medicinsku rehabilitaciju u banjsko-klimatskom lječilištu.

U periodu od 01.01. do 31.12.2009. godine, u Ministarstvu je zaprimljeno 344 zahtjeva. Komisija pri Ministarstvu, čiji član je i ovlašteni ljekar ispred Ministarstva zdravlja, razmatrala je 340 zahtjeva, te od tog broja 186 pozitivno riješila, a 154 zahtjeva odbila kao neosnovano, radi neispunjavanja zakonom propisanih uslova, a 4 zahtjeva su u postupku obrade. Napominjemo da je u izvještajnom periodu odobreno boravak i za 21 pratioaca za RVI koji nisu samostalno pokretni.

U skladu sa odredbom kantonalnog Zakona, Odluke i Pravilnika o kriterijima i postupku za odobravanje lijekova, RVI, uz adekvatnu medicinsku dokumentaciju, imali su pravo besplatno na sve lijekove, sanitetski materijal i dezinfekciona sredstva, koji su registrovani na teritoriji FBiH, a neophodni su za liječenje povreda, rana, ozlijeđena, bolesti ili pogoršanja bolesti, zadobijenih u toku služenja u OS BiH.

U izvještajnom periodu razmatrano je ukupno 1060 zahtjeva. Po izvršenom upravnom i medicinskom nadzoru ukupno 1034 zahtjeva je pozitivno riješeno, 24 zahtjeva je odbijeno kao neosnovano radi neispunjavanja zakonom propisanih uslova, dok je u 2 zahtjeva postupak obustavljen.

U skladu sa odredbom kantonalnog Zakona i Odluke, pravo na naknadu troškova radi liječenja ima član poginulog, umrlog, nestalog branitelja, RVI, DNRP, koji je radi ostvarivanja zdravstvene zaštite upućen van mjesta prebivališta, na teritoriji BiH.

U izvještajnom periodu ukupno je podnešeno 103 zahtjeva za putne troškove, od čega su pozitivno riješeno 99 zahtjeva, dok su četiri zahtjeva odbijena kao neosnovana.

Finansijska sredstva za pomoć u liječenju težih oboljenja boračke populacije

Odlukom o kriterijima, uslovima i načinu odobravanja finansijskih sredstava za pomoć u liječenju boračke populacije u Ministarstvu utvrđeni su kriteriji, uslovi i način odobravanja finansijskih sredstava za pomoć u liječenju: članova PŠ PB, RVI; članova uže porodice RVI; DB i članova uže porodice DB.

Finansijska sredstva su predviđena za liječenje sledećih bolesti: akutne tuberkuloze, malignih oboljenja, endemske nefropatije, hirurških intervencija na srcu i mozgu, svih vrsta degenerativnih oboljenja centralnog nervnog sistema, infarkt (srčani i moždani), oboljenja mišićnog sistema i paralize.

Komisija formirana pri Ministarstvu, u čijem sastavu je i ovlašteni ljekar specijalista, razmatrala je 59 zahtjeva od čega je pozitivno riješila 35 zahtjeva, a 24 zahtjeva odbijena kao neosnovana.

Podjela ROHO jastuka za RVI 100% I grupe

Na osnovu sveobuhvatnog zdravstvenog zbrinjavanja RVI 100% I grupe invaliditeta (osobe sa posebnim potrebama), Ministarstvo realizuje poseban projekat od 1996. godine.

Na osnovu programa korištenja sredstava, tekućih grantova za realizaciju dopunskih prava i ostalih izdvajanja korisnicima iz oblasti BIZ-a, u 2009. godini, Zakona o dopunskim pravima boraca-branitelja i članova njihovih porodica i Odluke o proširenom obimu prava boraca-branitelja i članova njihovih porodica i uslovima i postupku za ostvarivanje prava, utvrđena je nabavka ROHO jastuka, za 34 RVI, čija podjela je izvršena u septembru 2009. godine, putem „Ortophysicala“, ovlaštene institucije izabrane u postupku prema odredbama Zakona o javnim nabavkama. Osnovna svrha dodjele ROHO jastuka RVI 100% I grupe, je u preventivnom smislu je sprečavanje i nastanak dekubitusa.

Stipendiranje đaka i studenata

Pravni osnov za ovaj vid utvrđenog dopunskog prava, sadržan je u odredbama člana 21. i 49.-51. kantonalnog Zakona, Programu za realizaciju dopunskih prava i

ostalim izdvajanja sa kriterijima za raspodjelu korisnicima boračko invalidske zaštite u 2009. godini, Programu korištenja sredstava za dodjelu stipendija braniteljima i članovima njihovih porodica i Odluci o utvrđivanju uslova, kriterija i postupka za dodjelu stipendija studentima i učenicima, pripadnicima boračke populacije (u daljem tekstu: Odluka).

U odnosu na prethodnu godinu, na ponovnu inicijativu boračkih saveza, pristupilo se novim izmjenama i dopunama Odluke, u pravcu ponovnog uvođenja imovinskog cenzusa, izuzev za kandidate sa prosjekom ocjena 5,00 odnosno 9,50, novog sistema apsolutnih prioriteta za učenike, odnosno studente, na način da pravo na dodjelu stipendija imaju isti pod uslovom da u svim prethodnim godinama školovanja imali navedeni prosjek.

Postupak je podrazumijevao dodatan angažman uposlenika Ministarstva na primjeni kriterija i uslova za dodjelu stipendija, utvrđivanju potrebne dokumentacije, formi i sadržaju zahtjeva, svakodnevnoj pravnoj pouci i dr., uz djelimičan angažman općinskih službi za boračko invalidsku zaštitu, isključivo u pogledu prijema i razvrstavanja zahtjeva po kategorijama.

Konkurs za učenike objavljen je 31.08.2009. godine, a za studente 05.10.2009. godine, u dnevnim novinama „Tuzlanski list“, oglasnim pločama općinskih službi za boračko – invalidsku zaštitu i boračkih saveza i udruženja Tuzlanskog kantona. Liste redoslijeda kandidata utvrđene su na osnovu ostvarenog broja bodova po osnovu ostvarenog uspjeha, u prethodnoj školskoj-studijskoj godini, materijalnog položaja, socijalnog položaja, učešća u OS ARBiH, ratnih priznanja i odlikovanja, zdravstvenog stanja i osvojenih nagrada i plaketa.

To je podrazumijevalo obradu 3165 zahtjeva, od čega: 1735 zahtjeva učenika i 1430 zahtjev studenata.

Obradu i rangiranje zahtjeva vršila je komisija sastavljena od četiri predstavnika boračkih saveza i udruženja Kantona, i to: Saveza organizacija porodica šehida – poginulih boraca, Saveza ratnih vojnih invalida, Saveza demobilisanih boraca i Koordinacije hrvatskih udruga, i tri službenika Ministarstva.

Prijedlog privremenih rang listi za učenike utvrđen je 04.11.2009. godine, a za studente 04.12.2009. godine.

Konačna odluka o dodjeli stipendija uslijedila je nakon razmatranja 258 prigovora, od čega 109 prigovora učenika i 149 studenata, od čega je uvaženo 32 prigovora, tako da su konačne rang liste utvrđene 22.12.2009. godine, a zatim se pristupilo izradi ugovora o stipendiranju do 29.12.2008. godine. Slijedi tabelarni prikaz odobrenih stipendija učenicima i studentima za 2009/10 godinu

STIPENDIJE 2009/10

UČENICI

	Ukupan broj po kategorijama	IZNOS	UKUPNO
PŠ-BP	254	70	
RVI	322	70	
DB	253	70	
UKUPNO	829		

STUDENTI

PŠ-BP	222	120	
RVI	182	120	
DB	222	120	
UKUPNO	626		

REKAPITUALCIJA

UČENICI		829
STUDENTI		626
UKUPNO 200/10		1455

U prvoj polovini 2009. godine vršene su i isplate stipendija učenicima i studentima, prema Programu stipendiranja 2008/2009 godine za period, januar – juni, a što vrijednosno iznosi 783.140,00 KM, za 570 studenata i 712 učenika, tj. ukupno 1287 kandidata, a na ovaj način realizovaće se i stipendije u 2010. godini za 1455 kandidata, čime se otežava redovan rad uposlenika u Ministarstvu.

Zaključno sa 18.01.2010. sačinjeni su spiskovi kandidata i nalozi za isplatu prema Ministarstvu finansija Kantona, a isti su realizovani 22.01.2010. godine.

Rješavanje stambenih potreba boračke populacije Kantona

Navedeno dopunsko pravo u izvještajnom periodu odvijalo po Programu korištenja nepovratnih sredstava namijenjenih za pomoć u stambenom zbrinjavanju korisnika prava iz oblasti BIZ, Programu i dodjelom stana u vlasništvo.

a) Bespovratna sredstva 2009. godine

I u izvještajnom periodu nastavljen je Projekat dodjele bespovratnih sredstava za pomoć u rješavanju stambenih potreba branitelja i članovima njihovih porodica na području Kantona, u skladu sa odredbama Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona (u daljem tekstu Uredba).

Jedinstveni tekst oglasa objavljen je 01.06.2009. godine u svim općinama izuzev općine Doboj Istok, gdje je oglas objavljen 07.06.2009. godine, od kada je počeo rad Prvostepenih komisija na prikupljanju zahtjeva, obilasku podnosilaca zahtjeva u cilju utvrđivanja činjeničnog stanja, rangiranju, te donošenju odluka za aplikante koji su aplicirali po navedenoj Uredbi.

Komisije na nivou općina i Ministarstva, činile su po osam članova, od čega su bila četiri predstavnika u ime općinskog organa uprave, odnosno Ministarstva, a preostala 4 člana su bili predstavnici općinskih, odnosno kantonalnih, boračkih organizacija i udruženja i to: PŠ-PB, RVI, DNRP i DB.

Uredbom je bilo regulisano da pravo na bespovratna sredstva imaju branioci i članovi njihovih porodica koji do dana podnošenja zahtjeva nisu imali u svojini stambeni objekat na području BiH, kao i da su poseban prioritet na dodjeli sredstava imali RVI I i II grupe, PŠ-PB sa dva ili više poginulih, kao i djeca bez oba roditelja koji su poginuli ili umrli, a nalaze se na redovnom školovanju.

Pregled rješavanja stambenog pitanja po Programu dodjele nepovratnih sredstava za pomoć u stambenom zbrinjavanju po općinama TK-a za 2009. godinu

R.BR.	OPŠTINA	PŠ-PB				RVI				DB				PR.KOM.	UK.SRED.
		UK.Z.	POZ.R.	ODBIJEN.	SREDSTVA	UK.Z.	POZ.R.	ODBIJ.	SREDSTVA	UK.Z.	POZ.R.	ODBIJ.	SREDSTVA		
1	BANOVIĆI	15	9	6	69.545,03	19	8	11	86.077,88	39	17	22	179.277,09	1.700,00	334.900,00
2	ČELIĆ	5	1	4	12.000,00	8	6	2	67.040,00	26	10	16	114.860,00	800,00	193.900,00
3	D.ISTOK	8	7	1	42.800,00	8	7	1	50.934,08	32	12	20	121.765,92	1.100,00	215.500,00
4	GRAČANICA	29	10	19	112.800,00	32	9	23	113.100,00	112	18	94	206.400,00	2.200,00	432.300,00
5	GRADAČAC	17	9	8	154.600,00	25	13	12	211.900,00	119	16	103	222.700,00	3.000,00	589.200,00
6	KALESIJA	39	7	32	85.500,00	30	9	21	100.700,00	91	23	68	246.300,00	2.200,00	432.500,00
7	KLADANJ	14	5	9	28.000,00	22	10	12	79.000,00	42	13	29	130.700,00	1.200,00	237.700,00
8	LUKAVAC	30	13	17	195.400,00	15	6	9	65.000,00	73	28	45	311.500,00	2.900,00	571.900,00
9	SAPNA	18	7	11	56.000,00	14	7	7	57.000,00	44	23	21	217.600,00	1.700,00	330.600,00
10	SREBRENİK	78	10	68	256.048,96	21	10	11	130.651,04	55	15	40	170.200,00	2.800,00	556.900,00
11	TEOČAK	15	9	6	38.000,00	9	5	4	52.200,00	42	10	32	92.800,00	900,00	183.000,00
12	TUZLA	45	16	29	173.000,00	62	39	23	421.500,00	223	80	143	909.200,00	7.500,00	1.503.700,00
13	ŽIVINICE	59	20	39	277.853,89	34	11	23	117.500,00	145	30	115	326.946,11	3.600,00	722.300,00
		372	123	249	1.501.547,88	299	140	159	1.552.603,00	1043	295	748	3.250.249,12	31.600,00	6.304.400,00

U 2009. godini, na nadzor Drugostepenoj Komisiji je upućeno 1714 predmeta, sa napomenom da to nije konačan broj ukupnog broja aplikacija na pomoć u stambenom zbrinjavanju za istu godinu, obzirom da je Prvostepena Komisija u prvostepenom postupku određen broj zahtjeva odbacila kao nepotpunim ili neosnovanim iz više razloga, tako da je konačan broj aplikacija znatno veći od ukupnog broja predmeta upućenih na nadzor. Od naprijed navedenog broja pristiglih predmeta za 558 korisnika, iz sve tri boračke kategorije, su odobrene pomoći u stambenom zbrinjavanju, uz napomenu da su sva planirana finansijska sredstva za 2009. godinu, iskorištena u potpunosti.

Iz tabele je vidljivo da ni u jednoj od obrađenih općina nisu preostala sredstva, što je omogućeno odredbom Uredbe koja ostavlja mogućnost preraspodjele sredstava iz jedne u drugu boračku kategoriju.

U skladu sa odredbama naprijed navedene Uredbe, kontrolu utroška odobrenih sredstava vrši nadležna općinska Služba, koja je obavezna dostaviti Ministarstvu pismeni izvještaj. Po dobijanju pismenog izvještaja o utrošku sredstava, komisija Ministarstva, po posebnom uputstvu Ministra, vrši nadzor nad utroškom grant sredstva. U izvještajnom periodu izvršen je nadzor u općinama koje su dostavile naprijed navedeni izvještaj.

b) Dodjela stana u vlasništvo borcima i članovima njihovih porodica

U izvještajnom periodu nastavljene su aktivnosti na dodjeli stana u vlasništvo borcima i članovima njihovih porodica, pod uslovom da nemaju rješene stambene potrebe na području BiH.

Na osnovu provedenog postupka od strane Ministarstva, Vlada Kantona je posebnim odlukama dodijelila stan u vlasništvo za osam kandidata iz općine Lukavac i Kalesija. U toku je donošenje četiri nove odluke Vlade Kantona o dodjeli stanova u vlasništvo kandidatima koji ispunjavaju uslove, od čega su dva kandidata iz Kalesije i dva kandidata iz Doboj Istoka.

Za kandidate, za koje je Vlada Kantona ranije donijela odluke o dodjeli stanova u vlasništvo, u toku je realizacija potpisivanja ugovora o prenosu prava vlasništva na iste.

Potrebno je napomenuti da procedura dodjele stanova u vlasništvo, u određenom broju općina ne ide planiranim tokom, iz razloga što u istima nije izvršeno etažiranje stambenih jedinica, čime su i korisnici istih dovedeni u neravnopravan položaj, u odnosu na općine koje su taj dio posla blagovremeno uradile. Ministarstvo preduzima potrebne aktivnosti da se navedeni problemi otklone u općinama Živinice, Tuzla i Kladanj, i očekivati je da će, uz angažman općinskih službi nadležnih za navedenu oblast, branitelji i članovi njihovih porodica, koji su korisnici stambenih jedinica i ispunjavaju uslove za dodjelu istih u vlasništvo, u narednom periodu, postati i vlasnici isti, shodno odluci Vlade Kantona

Realizacija Projekta podizanja jedinstvenih spomen obilježja poginulim pripadnicima Armije RBiH i MUP-a na području Kantona za poginule i naknade troškova podizanja nišana – nadgrobnog spomenika

Na osnovu Odluke Vlade Kantona o saglasnosti za podizanje jedinstvenih spomen obilježja poginulima koji su sahranjeni izvan područja Kantona nastavljena je aktivnost na Projektu podizanja jedinstvenih spomen obilježja poginulim pripadnicima Armije RBiH i MUP-a na području Kantona, što je rezultiralo i usvojenim Programom korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko-invalidske zaštite u 2009. godini gdje je predviđeno izdvajanje u iznosu od 420.000,00 KM

Na temelju pismenih zahtjeva porodica šehida-poginulih boraca za izgradnju i postavljanje jedinstvenih spomen obilježja (u daljem tekstu: JSO) dostavljenih putem Saveza porodica šehida-poginulih boraca Tuzlanskog kantona, sačinjen je i sveukupan plan kojim je predviđena izgradnja nišana poginulim za područje Kantona i za poginule koji su sahranjeni izvan područja Kantona.

U 2009. godini zaključno sa 31.12.2009. godine realizovano je kako slijedi:

1. Po Ugovoru za područje Kantona sa tri privremene situacije i Okončanom situacijom realizovano je 209 pari JSO sa ukupnom vrijednošću 112.860,00 KM
2. Ugovor za područje izvan Kantona sa devet privremenih situacija i Okončanom situacijom realizovan je sa 449 pari JSO sa ukupnom vrijednošću od 242.460,00 KM.

Prema naprijed navedenim podacima ukupan projekat realizovan je sa 658 pari JSO u ukupnoj vrijednosti od 355.320,00 KM

Pomoć u slučaju smrti

Kantonalnim Zakonom je predviđeno da u slučaju smrti lica iz člana 1. stav (1) kantonalnog Zakona i nosioca „Partizanske spomenice 1941“, član porodice sa kojima je umrli živio u zajedničkom domaćinstvu u vrijeme smrti, ima pravo na novčanu pomoć, najmanje u visini prosječne mjesečne neto plaće isplaćene u F BiH (751,30 KM), u prethodnoj godini, a propisom Ministarstva utvrđeni su uslovi i postupak za ostvarivanje navedenog prava.

U izvještajnom periodu riješeno je ukupno 559 zahtjeva, od čega je 401 zahtjeva riješeno pozitivno, a odbijeno je 17 zahtjeva zbog neispunjavanja zakonom i pravilnikom propisanih uslova, 141 zahtjev je vraćen općinskoj službi na ponovni postupak i 23 predmeta su u postupku obrade.

Jednokratne pomoći

Odobranje jednokratnih pomoći vrši komisija Ministarstva, na osnovu kantonalnog Zakona i Pravilnika o kriterijima i postupku za odobranje jednokratnih pomoći borcima – braniteljima i članovima njihovih porodica.

Pravo na jednokratnu pomoć imali su: članovi PŠ-PB, RVI i nezaposleni DB pripadnici OS i HVO odnosno VF BiH koji su u ratu proveli najmanje jednu godinu kao i učesnici II svjetskog rata na strani antifašističke koalicije.

U izvještajnom periodu riješeno je ukupno 1421 zahtjeva, od čega je pozitivno riješeno 1222 zahtjev, a odbijeno 199 zahtjeva, radi neispunjavanja uslova po kantonalnom Zakonu i Pravilniku.

Kao dopunsko pravo kantonalnim Zakonom, predviđeno je i pravo na besplatne udžbenike za djecu branilaca koja pohađaju osnovno obrazovanje, u trogodišnjem ciklusu, od školske 2008./09. godine. Ovaj postupak prate određeni problemi, prije svega, uredno razduživanje upotrebljivih udžbenika, a što se rješava u saradnji sa Ministarstvom obrazovanja, osnovnim školama i općinskim službama za boračko – invalidsku zaštitu.

U izvještajnom periodu rješavano je ukupno 777 predmeta, od čega je odobreno 592 zahtjeva tj. 655 kompleta udžbenika, a odbijeno 185 zahtjeva radi neispunjavanja uslova po pravilniku.

Program obilježavanja značajnih datuma, događaja i ličnosti na nivou Kantona

Na osnovu odredaba kantonalnog Zakona, boračke organizacije Kantona, koje organizuju sportska takmičenja i manifestacije povodom obilježavanja Dana OS R BiH i drugih datuma koje utvrdi Vlada Kantona, imaju pravo na participaciju troškova, a visinu participacije utvrđuje Ministarstvo, na osnovu Programa koga donosi Vlada Kantona.

Programom obilježavanja značajnih datuma događaja i ličnosti na području Kantona, definisani su datumi događaja i ličnosti od značaja za Kanton, F BiH i državu BiH. Program je realizovan u cjelosti, uključivo i obilježavanja „Dana Zlatnih ljiljana BiH“, koji su se ove godine održavali na području Kantona.

Invalidski sport

Ministarstvo, shodno odredbama Zakona participira u troškovima učešća na sportskim takmičenjima i manifestacijama invalidskih sportskih klubova shodno kriterijima koje donosi Vlada Kantona, isključivo, za podršku razvoja i afirmacije invalidskog sporta na području Kantona.

U vezi sa navedenim, Ministarstvo sufinansira saveze i udruženja koji su postigli slijedeće sportske rezultate i to:

1. Košarkaški invalidni klub – Veterani Tuzla okuplja RVI, u aktivnom bavljenju košarkom u kolicima. Devetnaest godina rada i rezultati pokazuju opravdanost postojanja, a to su tumačenja za prvenstvo BiH, Kup BiH, takmičenje na Evropskom turniru, učešće na tradicionalnim turnirima u Republici Sloveniji i dr.

2. Košarkaški invalidni klub - „Zmaj“ Gradačac, ostavljuje izuzetne rezultate na domaćoj i međunarodnoj sceni, ostvareni plasman u Euro – Kupu – 2. mjesto, 5. mjesto u „WILI BRINKMAN“ Kupu, 2. mjesto Premijer lige BiH, osvajanje Kupa BiH u Banja luci, 1. mjesto na međunarodnom turniru u Sanskom mostu, plasman u Euro – ligu i dr.
3. Savez sjedeće odbojke RVI i IL TK, jedina registrovana organizacija RVI i invalidnih lica. U povodu Dana općine Lukavac i Memorijala princeze Dajane, osvojili su 1. mjesto, 2. mjesto na turniru Obojkaški klub invalida Drina Sapna, takmičenje u Premijer, Prvoj i Drugoj ligi sa općinskim klubovima, učešće u reprezentaciji BiH i osvojeno II mjesto na Paraolimpijskom igrama u Kini 2008. godine. U pitanju je sedam općinskih klubova i dva kantonalna kluba i učešće u reprezentaciji.
4. Savez za sport i rekreaciju invalida Kantona, učestvuje u kantonalnim, državnim i kup takmičenjima, evropskom i svjetkom turniru u disciplinama: šah, streljivo, stoni tenis, atletika, sportski ribolov, kuglanje, mali nogomet. Osvojene su pojedinačne zlatne i srebrne medalje u streljaštvu u Trebinju i 1. mjesto na šestoaprilskom turniru u Sarajevu, muškarci i žene II mjesto, u kuglanju na državnom prvenstvu ekipno I mjesto – muškarci i žene u atletici, više zlatnih i srebrnih medalja, sportski ribolov 2. mjesto na Međunarodnom takmičenju u Banja luci, u kuglanju, Državno prvenstvo, 2. mjesto muškarci i treće mjesto žene, te brojna priznanja i medalje pojedincima.

Upravni postupak

U postupku pokrenutom po zahtjevu stranaka u prvom stepenu, ovo Ministarstvo je u izvještajnom periodu riješilo 5.763 predmeta.

Shodno odredbama člana 57. kantonalnog Zakona, Ministarstvo, vrši nadzor nad provođenjem Zakona i propisa donesenih na temelju njega, te neposredan upravni nadzor za ostvarivanje prava po ovom Zakonu, i to pravo na zdravstvenu zaštitu, obavezno zdravstveno osiguranje, naknadu troškova za prijevoz, ortopedska i druga pomagala, higijensko sanitetski materijal, lijekove, jednokratne novčane pomoći u slučaju dženaze-sahrane, refundaciju troškova za podizanje nadgrobnih spomenika - nišana, stambena pitanja - bespovratna sredstva.

Shodno naprijed navedenom u izvještajnom periodu je izvršen nadzor u 7.390 predmeta.

Odredbama člana 63. i član 64. Federalnog zakona, naložena je revizija prvostepenih rješenja, a odredbama člana 41. stav (2) istog zakona, ovom Ministarstvu data je nadležnost za vršenje revizije prvostepenih rješenja službi boračko invalidske zaštite sa područja Kantona.

U kontekstu naprijed navedenog u izvještajnom periodu izvršena je revizija 2284 predmeta porodične invalidnine i 146 predmeta lične invalidnine.

Takođe je obrađeno i 1.089 žalbi izjavljenih u postupku rješavanja predmeta kako u prvostepenom tako u drugostepenom postupku rješavanja.

Tako je u izvještajnom periodu po svim navedenim segmentima obrađeno ukupno 16.672 predmeta

Pregled finansiranja dopunskih prava

Budžetska 2009. godina, zbog objektivnih okolnosti, započela je u veoma složenim uslovima, zbog nedovoljnog punjenja Budžeta a obzirom na dolazeću ekonomsku krizu, Vlada Kantona, na sjednici održanoj 25.12.2008. godine, donijela je Zaključak o mjerama štednje a Skupština Kantona na sjednici održanoj 29.12.2008. godine usvojila je Odluku o privremenom finansiranju Tuzlanskog kantona za period 01.01.2009.do 31.03.2009. godine.

I pored evidentnih problema, Vlada Kantona, na prijedlog Ministarstva, u okviru Zakona o Budžetu Tuzlanskog kantona za 2009. godinu, utvrdila je Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko invalidske

zaštite u 2009. godini („Službene novine Tuzlanskog kantona“ broj: 6/09,7/09,11/09 i 12/09), prema kojem je za realizaciju dopunskih prava predviđenih za 2009. godinu bilo planirano 14.518.000,00 KM.

U skladu sa raspoloživim sredstvima u oskudnim operativnim planovima za sva četiri kvartala 2009. godine, a nakon tri Rebalansa i tri izmjene i dopune Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko invalidske zaštite u 2009. godini, u skladu sa podacima o punjenju budžeta, do 31.12.2009. godine Ministarstvu je bilo operativno ukupno posljednjim rebalansom planiranih 12.411.700,00 KM.

Iz priložene Tabele koja slijedi, vidi se da je izvršenje dopunskih prava ostvareno sa 11.864.394,43 KM ili 96% u odnosu na planirana sredstva.

Tabelarni prikaz finansiranja dopunskih prava

	Broj projekta	OPIS	Rebal.Plan 2009	Izvršenje 2009	INDEX (5/4)
A		A) Zdravstvena zaštita, sanitetsko higijenski materijal i lijekovi	2.685.000,00	2.537.346,73	0,95
1	5026001	Obavezno zdravstveno osiguranje	850.000,00	825.065,29	0,97
2	5027001	Premija osiguranja	1.060.000,00	1.057.760,00	1,00
3	5013001	Lijekovi	120.000,00	117.982,65	0,98
4		Liječenje u inostranstvu	10.000,00	0,00	0,00
5	5014001	Ortopedska i druga pomagala	645.000,00	536.538,79	0,83
5.1.	5014002	ortopedska pomagala za gornje i done extremitete	250.000,00	211.814,58	0,85
5.2.	5014003	ortopedska obuća za RVI	100.000,00	72.213,55	0,72
5.3.	5014004	Invalidska kolica	0	0,00	0,00
5.4.	5014005	očna protetika	10.000,00	1.585,00	0,16
5.5.	5014006	slušna pomagala	5.000,00	0,00	0,00
5.6.	5014007	aparati za omogućavanje glasnog govora	5.000,00	0,00	0,00
5.7.	5014008	endoproteze	5.000,00	0,00	0,00
5.8.	5014009	sanitetsko higijenski materijal	250.000,00	247.100,02	0,99
5.9.	5014010	ostala pomagala	10.000,00	2.336,14	0,23
5.10.	5014011	pomagala za slijepo osobe	5.000,00	1.139,50	0,23
5.11.	5014012	stomatološko protetska pomagala	5.000,00	350,00	0,07
6	5011001	B) Banjsko i klimatsko liječenje	100.000,00	77.162,00	0,77
7		C) Preostala radna sposobnost	60.000,00	49.104,90	0,82
	5021001	ljekarske komisije	60.000,00	49.104,90	0,82
		profesionalna rehabilitacija	0,00	0,00	0,00
8	5029001	E) Stipendiranje učenika i studenata	1.250.000,00	1.240.620,00	0,99
9	5022001	F) Stambeno zbrinjavanje	6.809.250,00	6.690.763,66	0,98
10	5025001	H) JSO	420.000,00	355.320,00	0,85
	5025002	H) NAKNADA za podizanje nišana - nadgrobnog spomenika	30.000,00	17.234,68	0,57
		I) Pomoć u slučaju smrti (Dženaze)	300.000,00	299.621,30	1,00
11	5024001	K) Izdvajanja za dobitnike ratnih priznanja	190.000,00	184.468,00	0,97
12	5012001	M) Naknada troškova prijevoza	10.000,00	5.073,55	0,51

13	5023001	N) JNP za RVI, PPB i DB	200.000,00	122.590,00	0,61
	5023002	N) JNP za RVI, PPB i DB- UDŽBENICI	120.000,00	88.444,00	0,74
14	5028001	O) Obilježavanje značajnih datuma	50.500,00	46.150,00	0,91
	5031001	Invalidski sport	43.750,00	43.750,00	1,00
		DOPUNSKA PRAVA	12.268.500,00	11.757.648,82	0,96
15		Ostala izdvajanja za korisnike BIZ-a	143.200,00	106.654,61	0,74
	5032001	Pomoć djeci PB (kamp)	30.000,00	20.000,00	0,67
	5033001	Informacioni sistem (1.638,00 / kvartal)	7.000,00	6.552,00	0,94
	5034001	Ostala izdvajanja za RVI, PPB i DB	106.200,00	80.102,61	0,75
	5034001	Stručne komisije	56.000,00	40.937,61	0,73
	5034001	nepredviđena izdvajanja	18.000,00	7.565,00	0,42
	5034001	pomoć u liječenju u zemlji (duže liječenje)	32.200,00	16.600,00	0,52
	5035001	Izgradnja spomenika	0,00	0,00	0,00
		Korištenje Tekuće rezerve	0,00	10.000,00	0,00
		Neplanirane donacije (FMBP)		5.000,00	0,00
		UKUPNO	12.411.700,00	11.864.303,43	0,96

Tabelarni prikaz finansiranja boračkih organizacija i udruženja TK-a

R.br.	OPIS	Plan 2009.g.	Izvršenje I-XII 2009
1	Savez organizacija porodica šehida i poginulih boraca TK	135.450,00	135.450,00
2	Udruga obitelji hrvatskih branitelja poginulih i nestalih u domovinskom ratu	25.200,00	25.200,00
3	Savez ratnih vojnih invalida TK	258.300,00	258.300,00
4	Udruga hrvatskih vojnih invalida domovinskog rata	28.350,00	28.350,00
5	Savez demobilisanih boraca TK	189.000,00	189.000,00
6	JOB Unija veterana TK	67.200,00	67.200,00
7	Udruga dragovoljaca i veterana domovinskog rata "HVO Soli"	7.455,00	7.455,00
8	Udruga demobiliziranih branitelja "115 Zrinski" HVO brigada dom . rata	6.405,00	6.405,00
9	SUBNOAR TK	30.870,00	30.870,00
10	Savez dobitnika najvećih ratnih priznanja i odlikovanja TK	60.900,00	60.900,00
11	Klub patriotske lige TK	45.150,00	45.150,00
12	Savez logoraša TK	13.020,00	13.020,00
	UKUPNO	867.300,00	867.300,00

Boračke organizacije i udruženja, u izvještajnom periodu, su finansirane u cijelosti u odnosu na planirana sredstva.

Informativno – analitički poslovi

Pored izrade analize o socijalno statusnim pitanjima boračke populacije, godišnjeg programa i polugodišnjeg i godišnjeg izvještaja o radu Ministarstva, u izvještajnom periodu slijedili su i mjesečni planovi rada, kao i periodične informacije, prema kolegiju Ministarstva, o aktivnostima na provođenju i primjeni federalnog zakona i kantonalnog Zakona, prije svega, u oblasti stambene problematike, zdravstvene zaštite, revizije, izrade i postavljanja jedinstvenih spomen obilježja, zapošljavanja, stipendiranja učenika i studenata, obezbjeđenja besplatnih udžbenika za osnovno obrazovanje i dr.

Na osnovu Zakona o slobodi pristupa informacijama u FBiH ostvarena komunikacija sa Odsjekom za informisanje Vlade Kantona, kao inicijalni obim informacija i aktivnosti.

Radi pune transparentnosti u radu sve značajnije dokumente, informacije i analize objavljujemo na internetu, na web stranici Vlade Kantona.

Saradnja sa boračkim organizacijama i udruženjima

Saradnja je kontinuirana i po potrebi, tj. zahtjevima boračkih organizacija i udruženja. Predsjednici boračkih organizacija i udruženja neposredno su uključeni u najznačajnije sfere rada: stambena problematika, zdravstvena zaštita, upis u srednje škole i fakultete, obilježavanje značajnih datuma, događaja i ličnosti, iz minulog odbrambeno-oslobodilačkog rata, izrada jedinstvenih spomen obilježja, formom radno-stručnih i konsultativnih sastanaka. Predstavnici Ministarstva redovno su prisustvovali radu izvršnih organa i skupština organizacija i udruženja, te zajednički su nastupali prilikom obilježavanja značajnih datuma, događaja i ličnosti na području TK-a.

ZAKLJUČAK

Nastaviti realizaciju programskih zadataka u skladu sa obavezama koje proističu iz zakonskih i podzakonskih propisa i raspoloživim budžetskim sredstvima za 2010. godinu.

M i n i s t a r
Bahrija Mehurić